

Perjuangannya Akan Kami Teruskan

UM 31/10/2003 - 32 PRECISE

PERJUANGAN YANG BELUM SELESAI

Sesungguhnya tidak ada yang lebih menyayat
Dari melihat bangsaku dijajah
Tidak ada yang lebih menyedihkan
Dari membiarkan bangsaku dihina

Air mata tiada ertinya
Sejarah silam tiada maknanya
Sekiranya bangsaku tercinta terpinggir
Dipersenda dan dilupakan

Bukan kecil langkah wira bangsa
Para pejuang kemerdekaan
Bagi menegakkan kemuliaan
Dan darjat bangsa selangkah bererti masa
Mengharung sejuta dugaan

Biarkan bertatih
Asalkan langkah itu yakin dan cermat
Bagi memastikan negara merdeka
Dan bangsa terpelihara
Air mata sengsara
Mengiringi setiap langkah bapa-bapa kita

Tugas kita bukan kecil
Kerana mengisi kemerdekaan
Rupanya lebih sukar dari bermandi
Keringat dan darah menuntutnya

Lagi pula apa erti kemerdekaan
Kalau bangsaku asyik mengiya dan menidakkan
Mengganggu dan membenarkan
Kerana sekalipun bangganya negara
Kerana makmur dan mewahnya
Bangsaku masih melata
Dan meminta-minta di negaranya sendiri

Bukan kecil tugas kita
Meneruskan perjuangan kemerdekaan kita
Kerana rupanya selain memerdekakan
Mengisi kemerdekaan itu jauh lebih sengsara

Bangsaku bukan kecil hati dan jiwanya
Bukankah sejak zaman berzaman
Mereka menjadi pelaut, pengembara
Malah penakluk terkemuka?
Bukankah mereka sudah mengembangkan sayapnya
Menjadi pedagang dan peniaga,
selain menjadi ulama dan ilmuan terbilang?

Bukankah bangsaku
Pernah mengharung samudera
Menjajah dunia yang tak dikenali
Bukankah mereka
Pernah menjadi wira serantau
Yang tidak mengenal takut dan kematian?



Y.A.B. Dato' Seri Dr. Mahathir Mohamad
Perdana Menteri Malaysia

1981 - 2003

Di manakah silapnya
Hingga bangsaku
Berasa begitu kecil dan rendah diri?
Apakah angkara penjajahan?
Lalu bangsaku
Melupakan kegemilangan silam
Dan sejarah gemilang membina empayar?

Tugas kita belum selesai rupanya
Bagi memartabatkan dan memuliakan bangsa
Yang berjaya akan sentiasa dihormati

Hari ini
Jalan ini pasti semakin berliku
Kerana masa depan
Belum tentu menjanjikan syurga
Bagi mereka yang lemah dan mudah kecewa.

Dato' Seri Dr. Mahathir Mohamad
Malam Puisi Utusan, 4hb. Mei, 1996

KU CARI DAMAI ABADI

Aku cari bukan harta bertimbun-timbun
untuk hidup kaya
Aku cari bukan wang berjuta-juta
untuk hidup bergaya
Aku cari bukan kawan-kawan
untuk sekadar berfoya-foya
Aku cari mana dia Al Ghazali
Aku cari mana dia As Shafie
Kita bongkar Rahsia Kitab Suci
Cari Panduan
Kita bongkar Rahsia Sunah Nabi
Cari pedoman
Aku hidup kerana dia RABBI
Dialah teman
Dialah Wali
Dia mencukupi
Aku hidup bererti
Menikmati damai abadi

Dato' Seri Abdullah Ahmad Badawi
Malam Puisi Utusan, 9hb. Mei, 2003.

Daripada



Pengerusi Dan Ahli Jawatankuasa Badan Perhubungan UMNO
Serta Jawatankuasa Penyelaras Barisan Nasional Negeri Perak